

Муҳими - йўлда бўлишинг!



16:00 / 02.10.2021 2393

Билишимиз зарур бўлган нарса бор. Албатта Сумайя, Ёсир, Анас ибн Назр, Ҳамза ибн Абдулмутталиб розияллоҳу анҳумлар Исломнинг азиз бўлгани ва мустаҳкамлашганини кўрмадилар.

Умарнинг футуҳотларига, Холиднинг Ярмук ва Қодисиядаги нусрат ғалабаларига гувоҳ бўлишмади.

Булутга қарата: «Хоҳлаганингча ёмғир қўявер, барибир харожни ҳузуримга келтиришади», дея хитоб қилган Ҳорун ар-Рашидларга гувоҳ бўлишмади.

Константинополга кириш учун қуруқликда кемаларига йўл очиб, суриб келган Муҳаммад Фотихларга гувоҳ бўлишмади.

Сулаймон Қонунийлар дунёнинг ярмини Истанбулдан туриб бошқаришини, ҳукм юритишини кўришмади, гувоҳ бўлишмади.

Улар йўлнинг бошига тушишди ва охирига етиб бормасдан вафот топишди. Бошлаган йўлларининг самараси, мевасини теришмади. Улар йўлнинг ниҳояси ҳақида сўралишмайди ҳам.

Муҳими - йўлда бўлишинг!

Манба: arabic.uz